

1511

22
U-35

1905

ՄԱՐԳԱՐԵԱԿԱՆ ԽՈՍՔԸ

ԵՒ

ԱՆՈՐ ՔՆՆՈՒԹԻՒՆԸ

147

(The prophetic light)

ԲՈՎԱՆԴԱԿՈՒԹԻՒՆ

brku

Մարզարեական խօսք	1—2
Դանիէլ Բ.	3—6
Դանիէլ Է.	7—10
Դանիէլ Ը.	11—13
2300 օրը	14—16
Մըրառմ.	17—24

معارف نظارت جلیله سنك في ٨ شباط سنه ١٣٣٠ تاریخلو ٦٢ عمره
رخصتname سیله استانبولده در میناسیان مطبعه سنه طبع او لمندر



Կ. ՊՈՂԻՄ

ՊԱՐԳ. Վ. ՄԻՆԱՍԻԱՆ

Սուլթան Համբաս հաստեսի, Թիւ 14

22

5-35

1905

2001

Խոյ ա 6

22
5-35

1324

Կ

ՄԱՐԳԱՐԵԱԿԱՆ ԽՕՍՔԸ

ԵՒ

ԱՆՈՐ ՔՆՆՈՒԹԻՒՆԸ

Մարգարէական խօսքը մութ տեղը լոյս տուող ճրագ
մըն է, որուն մտադրութիւն ընելու ենք, մինչեւ որ
ցորեկը լուսնայ ու Արուսեակը (Քրիստոս) սրտերնուս մէջը
ծագի, Բ Պետ. Ա. 19: Եթէ կար մի ժամանակ յորում
աշխարհ թանձր խաւարի մէջ ընկդմած էր, ներկայ
ժամանակս է: Ետքի օրերը հասած են, քանզի մարդիկ
եղած են « անձնասէր, արծաթասէր, ամբարտաւան,
հպարտ, հայհոյիչ, ծնողաց անհնագանդ, ապերախտ,
անսուրբ . . . , անհաշտ, բանսարիկու, անժուժկալ . . . , բա-
րին չսիրող, յանդուգն . . . , գոռող, աւելի հեշտասէր քան
թէ աստուածասէր . որոնք աստուածապաշտութեան կեր-
պարանքը ունին, բայց անոր զօրութիւնը ուրացած
էն: » Բ Տիմ. Գ. 1—5: Յիրաւի « երկիրը խաւար, ու
մառախուղ » ծածկեր է: Եսա. Կ. 2: « Երկիրը սուգ
կը բռնէ ու կը մարի. աշխարհս կը նուազի ու կը
մարի . . . ու երկիրը իր բնակիչներուն տակը պղծուե-
ցաւ, քանզի անոնք օրէնքները զանց ըրին, պատուի-
րանքը փոխեցին, յաւխտենական ուխտը խափանեցին: »
Եսա. ԻԴ. 4, 5: Այս պատճառաւ Տէրը երկիրը պիտի
պարզէ ու դատարկացրնէ: Հմք. 1: Աստուծոյ դա-
տաստանին ժամը եկած է. եւ Յիսուս իր քահանա-
յութեան վերջնական գործը կատարելու վրայ է: Քիչ
ետքը Աստուծոյ նախասահմանուած խորհուրդը պիտի
կատարուի, չնորհաց օրը մզեղի պէս պիտի անցնի, ու

Տէրոջը սաստիկ բարկութեան օրը պիտի գայ: Աս աշխարհ եւ անոր ամէն բաները պիտի իշնան ու մէյլընալ պիտի չլլեն:

Սյսպիսի ահաւոր կէտի մը հասած ենք, սակայն ո՞վ է ան որ կը հասկնաց: Աստուած իր ծառաներուն մարդարկներուն ձեռքովը յայտնուած է, սակայն մարդիկ Աստուծոյ լոյսը կը մերժեն, ու իրենց վառած կայծերուն մէջը կը քալեն: Եսա . Ծ . 10 , 11 : Հիմա Աստուած ձեղի կըսէ, «Մարդարէկութիւնները մի՛ արհամարհէք»: Աթես . Ե . 20 : «Ծաղր ընողները մի՛ ըլլաք, որ չըլլայ թէ ձեր կապանքները աւելի ուժովնան. քանզի զօրաց Տէր Ենովային կողմանէ՝ բոլոր երկրին վրայ նախասահմանեալ աւելում մը լսեցի»: Եսա . Իլ . 22 :

Ոհա այս տետրակիս մէջ ձեղի քանի մը կարգ մարդարէութիւններ կը ներկայացընենք, յուսալով թէ ասնք ձեղ պիտի առաջնորդեն Աստուծոյ խորհուրդը հասկընալու եւ գալու բարկութենէն փախչելու:

ԴԱՆ. Բ. ԳԼԽՈՅՆ ՄԵԾ ԱՐՁԱՆԸ

Երազի մը մէջ Նաբուգոդոնոսոր թագաւորին հոկայ արձան մը երեւցաւ, որուն գլուխը ոսկիէ, կուրծքը եւ թեւերը արծաթէ, մէջքը եւ ազդրերը պղնձէ, սրունքները երկաթէ, եւ ոտքերուն մէկ մասը երկաթէ եւ մէկ մասը կաւէ էր: Ինչպէս որ որոյ կր տեսնենք, մետաղներուն ամենէն թանկագինովը սկսելով ասահճանաբար կ'իջնէ մինչեւ ամենէն ստորինը: Վերջապէս լեռնէն քար մը կը կարուի առանց ձեռքի, եւ արձանին ոտքերուն զարնելով՝ զանիկա կը փշրէ, այնպէս որ կաւերուն մղեղին նման հովէն կը տարուի, եւ արձանը զարնող քարը մեծ լեռ մը կ'ըլլայ եւ երկիրը կր լեցնէ:

Այս կը ցուցնէ թէ՝ արձանը բան մը կը նշանակէ. որ երկրիս վրայ տեղ կը բռնէ, քանի որ արձանին զարնող քարը լեռ մը ըլլայով անոր տեղը կը բռնէ եւ բոլոր երկրր կը լեցնէ, Սոով երազը կը վերջանայ եւ իրաց յաւիտենական վիճակը կ'սկսի: Նախ՝ փոփոխութիւն եւ նուաստութիւն, ինչպէս որ արձանին այլուացլ մասերով կը ցուցուի. վերջապէս՝ իրաց մշանցնաւոր, յաւիտենական եւ փառաւոր վիճակը, զոր երկիրը լեցնող լեռը կը ցուցնէ:

Դանիէլ՝ արձանին վրայով իր մեկնութեան մէջ Նաբուգոդոնոսորին կըսէ թէ՝ Ան ոսկի գլուխը դուն ես: Հրմ. 38: Ոչ թէ Նաբուգոդոնոսորը իրմեւ անհատ, այլ անոր իշխանութիւնը. քանզի, խօսքը իշխանութեանց վրայ է: Հմր, 39, 40: Արձանին մէկ մասը իշխանութիւն եւ միւս մասը անհատ նշանակել չը կմնար ըլլալ. Կթէ ոչ հակասական կ'ըլլար: Հետեւաբար ոսկի գլուխը կը նշանակէ այն իշխանութիւնը, որուն վրայ Նաբուգոդոնոսոր կ'իշխէր:

Ո՞վ էր ուրեմն, Նաբուգոդոնոսոր: Հին Քաղդէական կամ Բաբելոնեան տէրութեան իշխանը: Այս էր ոսկի գլուխը: Հին Ասորնական տէրութիւն մը որ հիմնուած էր Նոյի մեծ թուանը Ներրովդի ձեռամբ, Ծննդ. Փ. 6—10: Ասիոյ մէջ տիրած էր իր 1300 տարի: Ասոր աւերակներուն վրայ՝ Սուրբ Գրոց մէջ յիշուած Քաղդէական կամ

Բարեկոնեան տէրութիւնը հիմնուեցաւ ն. ք. գթր. 744ին
Պեղեսի ձեռամբ, որ է Բաղադան ըստ Եսա. լթ. 1ին։
Մարգարէութեան մէջ այս իշխանութեան թուականը ն.
ք. գթր. 677էն կ'սկսի, քանզի Աստուծոյ ժողովուր-
դին հետ ան ատեն կ'սկսի կապակցութիւն ունենալ՝
Յուղայի Մանասէ իշխանին գերի տարուելովը։ Բ Մնաց.
ԼԳ. 11։ Բարեկոն՝ իր փառաց գաղաթնակէտը հառաւ
Նարուգողնոսուրին օրերը, որուն այս երազը տրուեցաւ։
Այս կէտէն սկսելով ճամբան զառ ի վայր եւ կարծ եղաւ
գէտ յիւր անկումն եւ կործանումն։ Իշխանները եւ ա-
նոնց իշխանալարութիւնները հետեւեալք են. — Նա-
բուգողնոսուր 43 տարի, իր որդին Եղմարովդաք 2
տարի. իր փեսան Ներիկիցիսար 4 տարի. Ներիկիցիսարի
որդին Լապորոսուրագոդ 8 ամիս, որ Պտղոմէուրի Կանո-
սին մէջ յիշուած չէ, եւ վերջապէս Նարոնադիսո որ
Եղմարովդաքի որդին եւ Նարուգողնոսուրի թոռն էր,
17 տարի։ Խաբոնադիսո՝ վերջն երեք տարին իր երէց
որդին Բաղդասարին հետ տիրապետեց, որուն օրովը
Բարեկոնի իշխանութիւնը վերջացաւ։

Բարեկոնէն ետքը Մարաց եւ Պարսից թագաւորու-
թիւնը ելաւ, որ արձանին արծաթէ կործքովը եւ թե-
ւերովը կը ցուցուի։ Դան. Ե. 30, 31։ Ն. ք. գթր. 538
ին Կիւրոս կործանեց զԲարեկոն որ ն. ք. գթր. 677 էն
սկսելով 139 տարի աեւած էր։ 538 կը նշանէ Մարաց եւ
Պարսից թագաւորութեանց սկիզբը, եւ ն. ք. գթր. 331
անոր վախճանը, երբ Մեծն Սղեքսանդր Արակեայի պա-
տերազմին մէջ Դարեհնին յաղթեց։ Պարսկական իշխա-
նութիւնը 207 տարի աեւեց։

Երրորդ իշխանութիւնը որ Մարաց եւ Պարսից իշխա-
նութեան յաջորդեց, Յունաց իշխանութիւնն էր։ Դան.
Ք. 5—7, 21։ Այս է արձանին պղնձէ մէջքը։

Ո՞րն էր չորրորդ իշխանութիւնը որ արձանին երկա-
թէ սրունքներովը կը ցուցուի։ Յունաց իշխանութեանէն
ետքը ո՞ր ընդհանուր իշխանութիւն որ ելած է՝ ան է։
Այսպիսի իշխանութիւն մը կը գանենք Ղուկ. Բ. 1 ին
մէջ։ Օգոստոս կայսրէն հրաման ելաւ որ բոլոր աշխարհ
գրուի։ Ուրեմն անիկա բոլոր աշխարհի վրայ իշխանու-
թիւն կը վարէր։ Իր տէրութիւնը ընդհանուր տէրու-
թիւն մէր։ Բայց Օգոստոս կայսրը Հռովմայեցի կայսր

մէր։ Ուրեմն չորրորդ իշխանութիւնը՝ երկաթէ սրունք-
ները։ Հռովմ էր։ Ոտքերուն եւ ոտնամատերուն կաւը
կը ցուցնէ ստորնութիւնն մը որ այս իշխանութեան մէջ
յառաջ եկաւ, ոտքերուն տասը մատերը ան տասը թա-
գաւորութիւնները կը ցուցնեն, որ Հռովմայ կայսրու-
թիւնը վերջապէս անոնց բաժնուեցաւ։ Հիւսիսային բար-
բարոսներուն յարձակելովը։ Հռովմ մարգարէութեան
մէջ կը մանէ ն. ք. գթր. 161ին Հրէից հետ ըրած դաշ-
նակցութեան թուականէն։ Անոր տասը մասանց բաժ-
նուիլը տեղի ունեցաւ յամի Տեառն 350 եւ 483ին մէջ-
տեղը։ Յունաստան 170 տարի տիրապետեց՝ ն. ք. գթր.
331 էն մինչեւ ն. ք. գթր. 161, եւ Հռովմ 644 տարի
ն. ք. գթր. 161 էն մինչեւ յամի Տեառն 483 երբոր
բաժնուեցաւ։

« Այս Շաքառուներուն օբէրը » Աստուծոյ թագաւորու-
թիւնը պիտի հաստատուի։ Հմր. 44, 45։ Ինչու որ քա-
րը որ առանց ձեռքի կտրուեցաւ՝ եկաւ ու ան արձանին
Երկար ու կառէ սուբէրուն վարէտաւ, եւ ամբողջ արձանը
փշրուեցաւ։ Հմր. 34, 35, Սրձանին երկաթէ ու կաւէ
ոտքերը որ սրունքներու շարունակութիւնը եւ բաժան-
մունքն են, չննուեցան մինչեւ որ Հռովմ տասը թա-
գաւորութեանց բաժնուեցաւ յամի Տեառն 350—483ին։
Ուրեմն Աստուծոյ թագաւորութիւնը յիշեալ թուակա-
նէն աս կողմը վնասուելու ենք, ոչ թէ անկէ առաջ։
Ուստի յաւիտեանս հաստատուած իրողութիւն մէ թէ
ասիկա Քրիստոսի եւ անոր առաքեալներուն օրերը չհաս-
տառուեցաւ ու չէր կրնար հաստատուիլ, քանզի ան
ատեն Հռովմայ տէրութիւնը ամբողջ եւ անբաժան ըլ-
լալով երկիրի վրայ կը ամբէր։ Աստուծոյ թագաւորու-
թիւնն ալ նախընթաց չորս թագաւորութեանց նման
նկարագրական է եւ ոչ հոգեւոր, ու երբոր հաստատուի
առջիններէն մաս մը պիտի չմնայ, ինչու որ ինքը պիտի
լեցնէ ամբողջ երկիրը։

Կարելի է մէկը պիտի հարցնէ թէ՝ ան թագաւորու-
թիւնները պիտի կենա՞ն մինչեւ որ երկնից Աստուծածը իր
թագաւորութիւնը հաստատէ։ Միթէ անոնք անցած գա-
ցած չե՞ն, եթէ այնչափ ժամանակ առաջ ելած են։ Կը
պատասխանենք, Ո՞չ։ Ասոնք ան թագաւորութիւններն
են, ինչպէս Տր. Սքօթ կ'ըսէ, որ ան ժամանակէն ի վեր

ընդհանրապէս ճանչցուած են իբրեւ տասը տէրութիւնք
Արեւմտեան Եւրոպիոյ, որոնց հետքերը կրնանք դէւրաւ
հետազօտել մինչեւ ներկայ ժամանակը:

Մագմամբ ան տասը տէրութիւններ ասոնք են. —
1. Ալմանք (Ս. 350). 2. Ֆրէնքներ (350-353). 3.
Պուրկոնտիանք (407). 4. Սուէվի (411). 5. Վիզիկոթք
(419). 6. Վանտալք (439). 7. Անկլօ-Սաքսոնք (449).
8. Օսթրոկոթք (453-483). 9. Լոմպարտք (453-467).
10. Հերուլի (476): Հիմա կը տեսնենք Գերմանիա՝ Ալ-
մաններէն սերած, Գաղիա՝ Ֆրէնքներէն, Փորթուկա՝
Սուէվիէն, Սպանիա՝ Վիզիկոթներէն, Անգլիա՝ Անկլօ-
Սաքսոններէն, եւայն:

ԴԱՆ. Է. ԳԼԽՈՅՆ ՏԵՍԻԼՔԸ

Ս. Գրոց այլաբանական լեզուն պէտք է բայցատրուի
նկարագրական լեզուով: Ս. Գրոց բոլոր օրինակները
կը սահմանուին Ս. Գրոց նկարագրական լեզուովը: Հոս
ունինք ծովը, եւ չորս մեծ գաղանները՝ որոց ոչ մին,
անշուշտ, կընայ նկարագրապէս առնուիլ: Ծով, գե-
տեր եւ ջուրեր կը ցուցնեն « Ժողովուրդներ, բազմու-
թիւններ, աղգեր եւ լեզուներ »: Յայտ. ԺԵ. 15: Ես.
Ղ. 7: Հովեր ի՞նչ կը նշանակեն. Եր. ԻԵ. 32, 33: Գա-
զանները կը ցուցնեն չորս իշխանութիւններ որ իրարու-
ետեւէ ելան երկրի վրայ: Դան. Է. 17, 23: Զորրորդ
գաղանը չորրորդ իշխանութիւնն է. հետեւաբար միւս
գաղաններն ալ կը նշանակեն իշխանութիւններ :

Դանիէլի երկրորդ գլխոյն մեծ արձանէն տեսանք
թէ՝ Դանիէլի օրերէն մինչեւ աշխարհի վերջը միայն չորս
ընդհանուր իշխանութիւններ պիտի ելլէին: Դանիէլի է.
գլխոյն այս տեսիլքին չորրորդ գաղանը կը ցուցնէ այս
երկրաւոր իշխանութեանց վերջինը, քանզի անիկայ
կրակի բոցերուն կը արուի, եւ թագաւորութիւնն ալ
սուրբերուն՝ իբրեւ մշտնչնեաւոր ժառանգութիւն:

Ուստի Դան. Է. գլխոյն չորս գաղանները՝ մեծ ար-
ձանով կերկայացուած նոյն չորս իշխանութիւնները կը
ցուցնեն: Առաջին գաղանը — առիւծը՝ կը նշանակէ Բա-
բելոնի իշխանութիւնը, ն. ք. զ. Քր. 677—538: Երկրորդ
գաղանը — արջը՝ Մարաց եւ Պարսից իշխանութիւնը,
ն. ք. զ. Քր. 538—331: Երրորդ գաղանը — ինձը՝ Յունաց
իշխանութիւնը, ն. ք. զ. Քր. 331—161, չորրորդը՝ Հռով-
մայ իշխանութիւնը, ն. ք. զ. Քր. 161 — յամի Տեսան 483:

Առիւծը առաջին անգամ արծիւի թեւերուն նման
երկու թեւեր ունէր, որ կը ցուցնէր Բաբելոնի արագ
յաղթութիւնները եւ յաղթական զօրութիւնը Նաբուգո-
գուստորի իշխանութեան ատենը, որ զանիկա բարձրա-
ցուց մինչեւ իւր զօրութեան գագաթնակէտը: Թեւերը
փրցուեցան եւ մարդու սիրտ արուեցաւ անոր ինչպէս
որ անանկ էր վերջին իշխանին, տիսուր եւ վատասիրտ
բաղտասարին իշխանութեան ատենը:

Արջը իր մէկ քովին վրայ կայնեցաւ, ցուցնելով
Մարաց եւ Պարսից կայսրութեան մէջ, Պարսից գերիշ-
խանութիւնը, ինչպէս աւելի յայտնի բացարուած է
Դան. Է. Յի խոյն օրինակովը: Երեք կողի ոսկորները
հաւանականաբար կը ցուցնեն այն երեք նահանգները,
որ մասնաւրապէս այս իշխանութեան ձեռքալ կործան-
ուեցան, այսինքն Բարելոն, եւ ուրիշ երկու նահանգ-
ներ, որ մեծապէս շարժեցին Պարսից անյագ ցանկու-
թիւնը եւ կամ ըսին, « Ելիր, շատ միս կեր: »

Ինձը չորս թիւեր ունէր ցուցնելու համար Յունա-
կան յաղութեանց արագութիւնը Մեծն Աղեքսանդրի
իշխանութեան տակ. եւ չորս գլուխներ ունէր, որ կը
նշանակեն Աղեքսանդրի մահուանէն ետքը այն իշխա-
նութեան չորս մասի բաժնութիւնը: Ասիկա աւելի որոշ
կը տեսնուի Է. գլխոյն 8րդ համարին քօշին օրինակովը:

Չորրորդ եւ սոսկալի գազանը տասը եղջիւրներ ու-
նէր, որոնք՝ այս կայսրութենէն պիտի ելլէին ըստուած
է: Դան. Է. 24: Ասոնք կը համապատասխանէն արձա-
նին ուից մատերուն: Հոռվմ տասը տէրութեանց բաժ-
նուեցաւ յամի Տն. 350—483, հետեւեալ կերպով. Ալ-
մանք, 350. Ֆրէնքներ, 353. Պուրկինտեանք, 407.
Սուէփի, 411. Վիզիկոթք, 419. Վանտալք, 439. Ան-
կլօ. Ասքսոնք, 449. Օսթրոկոթք, 453-483. Լոմպարտք,
453. Հերուլիք, 476:

Այս տասը եղջիւրներուն մէջէն ուրիշ փոքր եղջիւր
մը ելաւ, որ միւսներէն տարբեր էր, եւ իր առջեւէն
ան առջի եղջիւրներէն երեք հատը խլուեցան:

Ո՞վ էր աս եղջիւրը: Յուստինիանի հրամանաւ՝ Պա-
պը բոլոր Եկեղեցիներուն գլուխ հոչակուեցաւ յամի
Տն. 533: բայց այդ հրամանը գործադրուելէն առաջ,
պէտք էր որ մէջ տեղէն վերցուէին երեք Արիական գո-
րութիւնները, որք կը հակառակէին պապական վար-
դապետութեանց: Այս զօրութիւններն էին Հերուլի,
Վանտալք եւ Օսթրոկոթք: Օսթրոկոթք յամի Տեառն
538 Մարտ ամսոյն մէջ վերջապէս ստիպուեցան հեռա-
նալ Հոռվմէն եւ Յուստինիանի հրամանը գործադրուե-
ցաւ, եւ պապական իշխանութիւնը հաստատուեցաւ
յամի Տեառն 538:

Այս եղջիւրը մեծ բաներ կը խօսէր: Ասիկա մտածեց

Ժամանակներ ու օրէնքներ փոխելու: Օրէնքը, ըսելով
Եօթանամնից, Գերմաներէն եւ Տանիմարքերէն թարգ-
մանութիւնք՝ Բարձրելոյն Օրէնքը կ'ակնարկեն: Պապա-
կանութիւնը խորհեցաւ զայս ընել, ջանալով չորրորդ
պատուիրանքը փոխելու: Այսինքն Շարաթին տեղը Մեկ-
շարթին դնելու: Անոնք իրեն ձեռքը տրուեցան, ժամա-
նակ մը՝ ժամանակներ եւ կէս ժամանակ: Ս. Գրոց մէջ
մէկ ժամանակ կը ցուցնէ մէկ տարի: Դան. Դ. 16 ը
բաղդատէ Յովսեբոսի հետ որ կ'ըսէ թէ « Եօթը ժամա-
նակները » եօթը տարի էին: Հետեւաբար երեք ու կէս
ժամանակը՝ երեք ու կէս տարի են: Ս. Գրոց տարին
360 օր ըլլալով՝ (12 ամիս՝ իւրաքանչիւրը 30 օր) երեք
ու կէս տարին կ'ըսէ 1260 օր. եւ այն օրեր այլաբա-
նական ըլլալով՝ մէկ օր մէկ տարուան տեղ տրուած է:
Եղիկ. Դ. 6. Թուոց ԺԴ. 34: Ուրեմն պապական գեր-
իւմանութեան տեսողութիւնը 1260 տարի է: Այս նոյնն
է 1260 օրուան եւ 42 ամսուան հետ, որ Յայտ. ԺԲ. եւ
ԺԴ. գլուխներուն մէջ կը յիշուին, եւ կը վերաբերին
նոյն իշխանութեան: Յամի Տն. 538էն հաշուելով՝ 1260
տարին մեզ կը բերէ մինչեւ 1798: Այդ տարույն Փետր.
10ին Պէրթի՝ ֆրանսական հրամանին տակ՝ առաւ
Հոռվմը, եւ Պապը աքսորեց, ուր հետեւեալ տարին մե-
ռաւ: Այս է 26րդ համարին դատաստանը: Անոր իշխա-
նութիւնը վերցուեցաւ: Այս ըսել չէ թէ՝ բոլորվին վեր-
ջացաւ. այլ քիչ մը ժամանակ իր ձեռքէն առնուեցաւ:
Այսուհետեւ կը մնայ գազանին սպաննուիլը եւ ա-
նոր մարմնոյն կորսուիլը, ու կրակի բոցերուն տրուիլը,
11 հմր. որ պիտի ըլլայ Տէր Յիսուսի երկրորդ ան-
գամ՝ « յայտնուելովը »: Բ Թես. Բ. 8: Սակայն ասկէց
առաջ, երկնից մէջ, Աստուած քննական դատաստանի
կ'սկսի: Դան. Է. 9. 10: Այս դատաստանը Դան. Է.
14ին համեմատ 1844ին կը պատահի, որուն վրայով յա-
ջորդ զիսոյն մէջ, ընդարձակօրէն պիտի խօսինք Երբոր
Աստուած երկնից մէջ, դատաստանի գործով կ'զբաղէ՝
մարգարէն կը տեսնէր որ ան պզտիկ եղջիւրն ալ՝ երկրի
վրայ մեծ խօսքեր կը խօսէր: Դան. Է. 11: Մեծ Հա-
մաշխարհական ժողովը՝ որ գումարեցաւ ի Հոռվմ
1870ին, այս մարգարէական մէկ նշանաւոր կատարումը
կրնայ սեպուիլ, Հոն, Կաթոլիկ աշխարհին ամենաբարձր

աստիճանաւորք, ընդդէմ Զի 538 քուէով, 1870 Յուլիս
21 ին Պապը անսխալ հռչակեցին: Անկէ երկու ամիս
ետքը Սեպտ. 20. 1870, Հոռիմ անձնատուր եղաւ
Վիգտոր Էմմանուէլի գունդերուն, եւ Պապին քաղա-
քական իշխանութեան վերջին հետքը վերցուեցաւ:

Այս տեսիլքին հինգերորդ թագաւորութիւնը զոր
սուրբերը կ'առնեն եւ յաւիտեան կ'ժառանգեն, այն
թագաւորութիւնն է որ բոլոր երկինքին տակ՝ առջի
չորս իշխանութեանց բոլոր երկինքերը կը պարունակէ:
Ուրեմն, այս նոյնն է Դան. Բ.ին ան թագաւորութեա-
նը հետ, որ բոլոր երկիրը կը լեցնէ, այսինքն Քրիստո-
սի յաւիտենական թագաւորութիւնը, որ պիտի ըլլայ
Քրիստոսի երկրորդ գալստեամբը զօրութիւնով եւ մեծ
փառքով:

ԴԱՆ. Ը. ԳԼԽՈՅՆ ՏԵՍԻԼՔԸ

Այս գլուխին օրինակները մեծաւ մասամբ՝ բացատրե-
ռած են բուն գլխին մէջ: Խոյը՝ որ երկու եղջիւր ու-
նէր, որոնցմէ մէկը ետքէն ելաւ, Մարաց եւ Պարսից
իշխանութիւնը կը ներկայացնէ, եւ երկու եղջիւրները՝
ան իշխանութեան մէջ եղող երկու աղդերը կը ցուցնեն,
այսինքն Մարք եւ Պարսիկը: Պարսից ազգն ետքէն ե-
լաւ, եւ տիրող զօրութիւնը իր ձեռքը անցաւ: Թշնա-
մութիւնք առաջին անգամ՝ Բաբելոնի եւ Մարաց մէջ
ծագեցան. ասոր վրայ, Մարաց Կիակսար իշխանը, իր
քեռորդին կիւրոսը օգնութեան կանչեց, որ Պարսից
իշխանին, Կամբիւսէսի որդին էր: Կիւրոս Յօ, 000,000 Պար-
սիկներով՝ Կիակսարին օգնեց, եւ անմիջապէս հրամա-
նաւար Կարգուեցաւ Մարաց եւ Պարսից միացեալ բա-
նակներուն: Ն. ք. զթր. 538 ին՝ երբ Բաբելոնը առնը-
ւեցաւ, Կիակսար (որ Դարեհ կը կոչուի Դան. Ե. 31 հա-
մարին մէջ) իրը քաղաքական իշխան գահը ինք նստաւ:
Երկու տարի հետքը, Ն. ք. զթր. 536, երբ մեռաւ՝ Կիւ-
րոսը իրեն յաջորդ Կարգեց, եւ նոյն տարին Կամբիւսէսի՝
կիւրոսի հայրը մեռնելով՝ Կիւրոս Պարսից գահն ալ ժա-
ռանկեց: Այն ատեն երկուքը միացան եւ այսպէս Մա-
րաց եւ Պարսից Միացեալ կայսրութիւնը հիմնուեցաւ:
իշխող գերգաստանը Պարսից կողմը ըլլալով: Այս, իշ-
խանութիւնը իր յաղթութիւնները յառաջ տարաւ «Դէպէ-
հիւսիս», դէպի յարեւմուտք եւ դէպի հարաւ» մինչեւ
որ Ասուելոսին օրիրը, Եսթ. Ա. 1, տիրեց հարիւր քսան
եւ եօթը նահանգներու վրայ, Հնդկաստանէն մինչեւ
Եթովպիհա:

Այծերու ահեղ քօշը՝ Յունաց թագաւորութիւնն է
ըսուած է: Հմր. 21: Անոր աչքերուն մէջտեղի եղջիւրը
առաջին իշխանն էր: Դարձեալ հմր. 21: Այս առաջին
իշխանը Մեծն Աղեքսանդրն էր, որ Ն. ք. զթր. 331.
Արպելայի պատերազմին մէջ Պարսից վերջին իշխանը
Դարեհ Կոթոմանուը յաղթելով՝ ինքինքը բոլոր աշխար-
հին տէր եղած գտաւ:

Այս եղջիւրը կոտրեցաւ եւ անոր տեղը չորս եղջիւր

ելաւ : Այս կը ցուցնէ թէ՝ անոր կայսրութիւնը չորս մասի պիտի բաժնուէր : Արագելայի պատերազմէն ու թը տարի ետքը, Աղեքսանդր ինքզինքը խմելու տուաւ . մինչեւ այն աստիճան որ մեռաւ ՅՅ տարեկան հասակին մէջ ն . ք . զՔր . 323, Նոյեմ . 12 ին : Բրիտօ աւելի ճիշդ յարգանք մը կուտայ անոր : Երբ կը կոչէ զանիկայ « Իր դարուն տմնամեծ մարդասպանը : » Աղեքսանդրի խորթ եւ տգէտ եղբայրը Փիլիպպոս, եւ Աղեքսանդրի երկու դեռահասակ որդիքը, Աղեքսանդր Աւզոս եւ Հերքիւէս, ամենն ալ Բերտիքասի ինամակալութեան տակ ըլլալով՝ կայսրութեան միութիւնը ժամանակ մը պահուեցաւ : Սակայն ասոնց վերցուիլը շատ երկար չաւեց : Աղեքսանդրի մահուանէն 15 տարի ետքը իշխանութիւնը անոր չորս գլխաւոր հրամանատարներուն՝ Գասանտէրի, Լիւսիմաքոսի, Պաղոմէսոսի եւ Սելենկոսի մէջ բաժնուեցաւ, ն . ք . զՔր . 308 ին :

Փռքիկ եղջիւրը ետքէն գալիք իշխանութիւնը մը կը ցուցնէ, որ պիտի ենէր չորս եղջիւրներուն իշխանութեան վերջը, օտարալեզու իշխանութիւնը մը որ սքանչելի կերպով աւրող ըլլալով՝ իշխանաց իշխանին դէմ պիտի դնէր, եւ վերջապէս առանց ձեռքի պիտի կոտրէր : Այս եղջիւրը, ինչպէս ոմանք կը կարծեն Անտիոքոս Եպիփանը չէր քանդի անիկայ « Խիստ մեծ չեղաւ » իրմէն առաջ եղող, Մարաց եւ Պարսից եւ Յունաց թագաւորութեանց հետ բաղդատելով : Իր տէրութիւնը չընդարձակեց : Ինքը ուրիշ եղջիւր մը չէր այլ քոյն եղջիւրը կազմող 26 իշխաններէն մէկը, կարգին մէջ ուժերորդն էր : Նա իշխանաց իշխանին (Քիստոսի) դէմ չդրաւ . բայց մեռաւ Քիստոսի ծննդենէն 164 տարի առաջ : Այս եղջիւրը կրնշանակէ Հռովմէական կայսրութիւնը՝ ինչպէս Դան . Բ . եւ Է . գլուխներուն նոյնօրինակ տեսլիքներուն մէջ : Հռովմ՝ քօշին եղջիւրներուն մէկէն ելաւ, ինչու որ ն . ք . զՔր . 168 ին Յունաց յաղթեց եւ 161 ին Հրէից հետ դաշնակցութիւն ընելով՝ Աստուծոյ ժողովրդեան հետ յարաբերութիւն ունեցաւ, Ա . Մակք . Է . Հնախօսութիւն Յովսեփոսի Գիրք ԺԲ . Գլ . Ժ . հատ . 6, Բրիտօ հասոր Բ . երես 166 : Այսպէս անիկայ մարգարէութեան նիւթ եղաւ եւ մարգարէին եռքիցաւ իբրեւ թէ Յունական եղջիւրէն ելաւ : Ան իր

յաղթութիւնները յառաջ տարաւ դէպ յարեւելք, դէպի հարաւ եւ դէպի փառաւոր երկիրը (Պաղեստին), եւ հետեւեալ երկիրները իրեն նահանգներ ըրաւ . Սիւրիան ն . ք . զՔր . 65 ին, Պաղեստինը ն . ք . զՔր . 63 ին, Եգիսասոսը՝ ն . ք . զՔր . 30 ին : Անիկայ իշխանաց իշխանին դէմ դրաւ՝ Քրիստոսը խաչին վրայ գամելով : Հառվամայ ձեռքով մշտնջենաւորը վերցաւ, եւ աւրող ամբարչութիւնը գրուեցաւ, այսինքն, կայսրութեան կրօնքին մէջ փոխօսութիւնն մը մտաւ : Հեթանոսութիւնը (մշտնջենաւոր աւրողը) վերցուեցաւ . եւ Կաթոլիկութիւնը դրուեցաւ : Դան . ԺԲ . 11 : Իրեն զօրք տրուեցաւ . այսինքն կայսրութեան վրայ բարբարոսաց խումբերը արշաւեցին, եւ սակայն իրենք ալ Կաթոլիկութեան դարձան :

Դան . Բ . ին այս եղջիւրը պէտք է չփոթել Դան . Է . ին չորրորդ գազանին փոքրիկ եղջիւրին հետ : Անիկայ միմայն կաթոլիկ եկեղեցին կը ցուցնէ : Ասիկա կը պարունակէ Հռովմէական տէրութեան ամբողջ իշխանութիւնը, թէ՝ Հեթանոս եւ թէ՝ կաթոլիկ :

Նոյն գլուխին 13րդ համարին մէջ յիշուած է 2,300 օրը, սրբարանը եւ անոր մաքրուիլը : Բոլոր տեսիւքը մարգարէին ըստ բաւականին բացարուեցաւ, յիշեալ ժամանակին զատ : Բայց Դանիէլ 27 րդ համարին մէջ կ'ըսէ, « Եւ ես տեսիլքին համար զարմացման մէջ էի . եւ մէկը չկար որ ինձի հասկըցնէր : » Թէ եւ Գաբրիէլը խրկուած էր որ տեսիլքը հասկըցնէր Դանիէլի . սակայն անիկայ ժամանակին վրայով բացարութիւնն մը տրուելէն առաջ նուազեցաւ, եւ հրեշտակը ստիպուեցաւ յետաձգել մնացեալ բացարութիւնը :

70 ԵԹՈՒԵԱԿՆ ԵՒ 2300 ՕՐԸ

Դանիէլի ութերորդ գլխոյն տեսիլքին չբացատրուած մասը իններորդ գլխոյն մէջ բացատրուած կը տեսնենք։ Տե՛ս այս երկու գլուխներուն իրարու հետ ունեցած կապակցութիւնը. — ա. Գաբրիէլ դարձեալ կ'երեւնայ Դանիէլին, Հմր. 21. միեւնոյն անձը որ ութերորդ գլխոյն տեսիլքին մէջ խրկուած էր տեսիլքը անոր հասկցնելու համար, սակայն չէր կրցած իր հրամանը կատարել Դանիէլի մարելուն պատճառաւը։ բ. Դանիէլ իր խօսքին սկիզբը «առջի տեսիլք» մը կը լիշէ, որուն մէջ այս հրեշտակը տեսած էր։ Այս պէտք է 8րդ գլխոյն տեսիլքը ըլլայ, քանզի ուրիշ տեսիլք մը միջամտած չէ այն տեսիլքին եւ ասոր մէջտեղը։ գ. Գաբրիէլ ըսաւ, «Հիմա ելայ որ քեզի իմաստութիւն սորվեցնեմ»։ Ամիկա միեւնոյն պաշտօնն է զոր 8րդ. գլխոյն մէջ յանձն առած էր ընել, սակայն ստիպուած էր յետածգել Դանիէլին պատճառաւը։ դ. Յետոյ հրեշտակն ինքը յետո կը դիմէ 8րդ. գլխոյն տեսիլքին, եւ կ'ըսէ, «Ուրեմն պատգամը միտք առ եւ տեսիլքը հասկցիր»։ ե. Եւ յետոյ 8րդ. գլխոյն մէջ զանց առնուած նոյն նիւթով այսինքն ժամանակի բացատրութեամբ սկսաւ իր պատգամը տալ, «Քու դողովուրդիդ վրայ եօթանասուն եօթնեակ որոշուած է»։ Հմր. 24. Հոս Խարգմանուած որոշուած բառը կը նշանակէ «կտրուած, զատուած»։ եօթանասուն եօթնեակ կտրուած է, Ի՞նչ բանէ։ 2300 օրէն։ Ուրեմն ուր որ 70 եօթնեակը կ'սկսի, հոն կ'սկսի նաեւ 2300 օրը։

Յետոյ Գաբրիէլ յառաջ գալով կ'իմացնէ թէ՝ երբոր երուսաղէմը նորէն շինելու հրամանը ելլէ, 70 եօթնեակն ալ կ'սկսի, Հմր., 25։ Այս ժամանակէն ետքը՝ առաջին հրամանը որ ելաւ կիւրոսի հրովարտակն էր ն. ք. գ.թր. 536 ին, որ Հրէաները գերութենէն դառնան իրենց երկիրը եւ Սստուծոյ տաճարը շինեն։ Եզր. Ա. Այս հրամանը միայն տաճարի շինուելուն համար ըլլալով, խիստ հեռի կը մնար «երուսաղէմը նորէն շինելու» իմաստը տալէն։ Այս գործը՝ Արտաշէս Մակիանի իշխանութեան ատենը, ն. ք. գ.թր. 522, Հրէից թշնամիներուն կողմէն

արգիլուեցաւ։ Եզր Դ. Յետոյ ն. ք. գ.թր. 519ին կիւրոսի հրովարտակը վերահաստատուեցաւ Դարեհ Վշտասբէի կողմանէ, եւ տաճարի շինութեան գործը դարձեալ յառաջ տարուեցաւ։ Բայց այս ալ կիւրոսին հրովարտակին նման իիստ սահմանափակ էր։ Վերջապէս Եզրաւ քա հանանափակ մը ընդունեց՝ անոր իշխանութեան 7րդ. տարին (ն. ք. գ.թր. 457), Եզր. է. 7, որ Հրէից կառավարութեան վերահաստատման ամէն պէտքերը կը պարունակէր։ Այս հրովարտակը գրուեցաւ Քաղդէարէն կամ արեւելեան Արամերէն լեզուով որ Պարսից գիւտանգիտական լեզուն էր, եւ կը գտնուի Եզր. է. 12—23 ին մէջ։ Երբ այս հրամանը ելաւ, մարգարէութիւնը լրացաւ։ Երեք հրովարտակներուն ամէնը միասին կազմեցին «Երուսաղէմի նորէն շինելու հրամանը», ինչպէս որ ըսուած է Եզր. Զ. 14 ին մէջ։ Եւ անոր ելլելուն թուականը ան ժամանակն է ուսկից ամենէն վերջին հրովարտակը որ վերաշնութեան համար պէտք եղող ամէն բաները կը պարունակէր Եզրասին ձեռքով գործադրուեցաւ, Եզր. է. 9։

Եօթը եօթնեակ կամ 49 տարին որոշուած էր քաղաքին շինութեան։ Այս կատարուեցաւ Եզրաւ գործի սկսելէն (ն. ք. գ.թր. 457) Ճիշդ 49 տարի ետքը՝ Դարեհ Նօթըսի տասն եւ չորրորդ տարին (ն. ք. գ.թր. 408) Նէեմիայի Ճեռքով եղած վերջին բարեկարգութեան գործով։ 62 եօթնեակը, այսինքն 434 տարին ալ մինչեւ Օծեալ իշխանը կը համնի։ Յիսուս՝ Մեսիա կամ Օծեալ կարգուեցաւ իր մկրտութեան ատենը, երբոր Սուրբ Հոգիով օծուեցաւ։ Գործ Ժ. 37, 38։ Դ. 27։ Ղուկ. Դ. 18 եւն։ Ուրեմն յիշեալ 62 եօթնեակը կը համնի անոր պաշտօնին սկիզբը՝ յամի Տեառն 27։ Քանզի Յովհաննէս իր պաշտօնին սկսաւ Սիբերիոս կայսեր տասն եւ չորրորդ տարին յամի Տեառն 27ին։ Ղուկ. Դ. 1. Եւ Քրիստոս իր գործին սկսաւ անկէ վեց ամիս ետքը, այսինքն նոյն տարւոյն աշունը։ Ահա ճիշտ այս թուականին կը համնի 69 եօթնեակը կամ 483 տարին, սկսեալ ն. ք. գ.թր. 457 ին աշունէն՝ երբ Եքրաս Երուսաղէմի մէջ իր գործին սկսաւ։ Եւ ան ատեն Քրիստոս ալ եկաւ քարողելով թէ «Ժամանակը լրացած է»։ Մարկ. Ա. 15։ Ո՞ր ժամանակը,

— 69 Կօթնեակը որ մեղ պիտի բերէր մինչեւ Օծեալ
իշխանը :

7 եւ 62 Կօթնեակէն ետքը Օծեալը պիտի կտրուէր,
կամ 70րդ . Եօթնեակին մէջտեղը զո՞յլ եւ պատարագը
պիտի գաղքեցընէր : Հ՚րք . 26, 27 : Այս բաները ան-
սխալելի կերպով Քրիստոսի խաչելութեան կը նային :
Քրիստոսի պաշտօնէութիւնը 3½ տարի տեւեց, քանզի
անիկա չորս Զատիկ անցուց, եւ վերջին Զատիկը խաչ-
ուեցաւ : Յովհ . Բ . 13 : Ե . 1 : Զ . 6 : Ժ . 1 : Եթէ 69րդ .
Կօթնեակը յամի Տեառն 27 ին աշունը վերջացաւ, ու-
րեմն 70րդ . Կօթնեակին մէջտեղն ալ, 3½ տարի վրան
աւելցնելով, կը հասնի յամի Տեառն 31ին, գարնան, եւ
ճիշդ ան ատեն Քրիստոս խաչուեցաւ : 70 րդ . Կօթնեա-
կին մնացած կէսը (3½ տարին) կը հասնի յամի Տեառն
34 ին աշնան, ուր կը վերջանայ Դանիէլի ժողովուրդին
համար «Կտրուած» 70 Կօթնեակը : Դեռ որչափ կը մնայ
2300 տարիէն : 2300 — 490 (Կօթնասուն Կօթնեակ) =
1810 . Եւ ասիկա ալ աւելցնելով յամի Տեառն 34 ին
վրայ, որ է 70րդ . Կօթնեկին վախճանը, կը հասնինք
յամի Տեառն 1844, ուր 2300 տարին կը վերջանայ եւ
ՄըԱՐԱՆԻՆ ՄԱՅՈՒՆԻԼ Կակսի : Ընթերցող, աս
խնդրոյն վրայ լի ուշադրութեամբ մտածէ յետագայ
գլխոյն մէջ :

ՍՐԳԱՐԱՆԸ

Դան Բ . 14ին մարգարէութիւնը՝ որ վերջին ժամա-
նակի համար է (Հ՚րք . 17, 19, 26), կ'ըսէ թէ 2300
օրէն ետքը սրբարանը պիտի մաքրուի : Քանի որ սրբա-
րանին մաքրուիլը այս մարգարէութիւնն վախճանն է, եւ
մենք ալ ան ժամանակին հասած ենք, Սրբարանը մեղի
համար մասնաւոր եւ կարեւոր ինդիր մըն է :

Ի՞նչ է Սրբարանը : Սրբարանը Աստուծոյ սուրբ բնա-
կարանն է : Ել . ԽԵ . 8 : Երբոր Աստուած Խորայելի ժողո-
վուրդը Եգիպտոսուէն համեց, անոնց մէջը բնակելու համար
Մովսէսին պատուիրեց որ իրեն սրբարան մը շինեն վրանի
ձեւով : Պողոս առաքեալ մեղի կ'ըսէ թէ՝ ասիկա առջի
քահանայութիւնն աշխարհային սրբարանն էր, Երք . Թ .
1—7, ուր քահանաները պաշտամունք կը կատարէին :
Քանի որ Ղեւտական քահանայութիւնը մինչեւ Քրիստոս
տեւեց, աշխարհային սրբարանն ալ՝ իրեն պաշտամունք-
ներովը մէկտեղ՝ մինչեւ Քրիստոս էր : Ասիկա նախ վրա-
նի ձեւով էր, սակայն յետոյ Սողոմոնն տաճար մը շինեց,
որ Բաբելոնի գերութեան ատեն կործանեցաւ : Բայց գե-
րութենէ դառնալէն ետքը նորէն շինուեցաւ Զօրաբարելի
ձեռքով : Ու երբոր աս ալ կործանեցաւ, Հերովդէս թա-
գաւոր նորէն շինեց ն . ք . զ՚Քր . 17ին : Քրիստոսի ժամա-
նակ Սրբարանը այս էր, որ վերջապէս կործանեցաւ յամի
Տեառն 70ին : Ան ժամանակէն հետէ այլ եւս չինուեցաւ :
Այսպէս Ղեւտական քահանայութիւնն սրբարանը յաւիտ-
եանս մէջտեղէն վերցուեցաւ :

Սակայն վերոյշեալ մարգարէութիւնը սրբարանի մը
վրայ կը խօսի, որ պիտի մաքրուի յամի Տեառն 1844ին :
Ուրեմն ի՞նչ է այս Սրբարանը եւ ո՞ւր է : Պողոս առաք-
եալին գրութեանցը մէջ այս հարցումներուն որոշ պա-
տասխաններ կան : Անիկա կ'ըսէ թէ Քրիստոս նոր ուխ-
տը հաստատեց իր արիւնովը : Աս նոր ուխտն ալ սրբա-
րան մ՛ունի, որուն պաշտօնեան Քրիստոս է : Անիկա
իր պաշտօնը երկնքի մէջ կը կատարէ : Անիկա հոն պաշ-
տօնեայ է Սրբարանին ու ձմարիտ խորանին՝ որ Տէրը
կանգնեց եւ չէ թէ մարդ : Երք . Բ . 1, 2 : Ուրեմն այս

ուխտին Սրբարանը հոն է՝ ուր որ անոր պաշտօնեան է, այսինքն երկինքը։ Ղեւտական քահանայութեան աշխահային Սրբարանը նոր ուխտին երկնային Սրբարանին մէկ նմանութիւնն էր։ Մովսէս երբոր վրանը շինեց, զանիկա օրինակի մը պէս շինեց։ Ել. ԻԵ. Թ. 40: ԻԶ. 30: Գործ. Ե. 44: Երր. Թ. 24: Անիկա մարդոց ձեռքով շինուեցաւ։ Երր. Թ. 24, իսկ երկնայինը Տէրը շինեց չէ թէ մարդ։ Երր. Լ. 2: Թ. 11: Աշխարհային Սրբարանը երեք անգամ ըստած է «Օրինակ», «Ճշմարիտ օրինակը», «Երկնային բաներուն օրինակը», Երր. Թ. 9, 23, 24: Երկնային Սրբարանը կը կոչուի աւելի մեծ ու կատարեալ խորան եւ ճշմարիտն աշխարհային խորանին հետ բաղդատելով։ Երր. Թ. 11, 24։

Բայց առաւել քան զայս, երբոր Աստուած Յովհաննէսին երկնային բաները յայտնեց տեսիլքով, Յովհաննէս հոն տեսաւ ոսկի աշտանակին ճշմարիտը, ոսկի սեղանը, ոսկի բուրգառը, եւ Աստուածոյ ուխտին տապանակը։ Ասոնց ամէնն ալ Սրբարանի կարասիքն են, որոնց ներկայութիւնը անտարակոյս կը փաստէ Սրբարանի մը գոյութիւնը։ Յովհաննէս բուն Սրբարանն ալ տեսաւ, եւ անոր վրայով մեղի կը զրուցէ «Երկնանքի մէջ Աստուածոյ տաճարը» անունով։ Յայտ. Դ. 1, 5: Լ. 3: ԺԱ. 19: Այսպէս կ' անուաննեն զանիկա նաեւ Դաւիթ եւ Ամբակում։ Սալմ. ԺԱ. 4: Ա.մ. Թ. 20: Երեմիա եւ Զաքարիա ալ զանիկա Աստուածոյ «Սուրբ բնակութիւնը» կը կոչեն։ Երեմ. ԻԵ. 30: Զաք. Թ. 13։

Նոր ուխտին Սրբարանը գտած ըլլալով, հիմա կը հարցնենք, թէ Սրբարանին մաքրուիլն Բ՞նչ է։

Դարձեալ նայինք աշխարհային Սրբարանին։ Այս Սրբարանին հետ միացած էին կարգ մը պաշտամունքներ եւ քահանայութիւն մը։ Սրբարանը երկու խորան ունէր՝ վարագուրզ մը բաժնուած։ Առաջինն էր Սրբութիւն, ու երկրորդը Սրբութեանց Սրբութիւն։ Սրբութեան մէջ էին աշտանակը՝ հօթը ճիւղով, առաջաւորութեան հացի սեղանը եւ խունկի սեղանը։ Սրբութեանց Սրբութեան մէջ էր Ուխտի տապանակը՝ որուն մէջն էին տասար պատուիրանաց տախտակները։ Տապանակին ծածկոցը Քաւութիւնն էր՝ կուածոյ շինուած մէկ կտոր ոսկիէ՝ երկու ծայրը երկու Քերովիներով։ Երր. Թ. 1—5: Ել. ԻԵ. Եւ լ.։

Այս Սրբարանին մէջ քահանաներ պաշտամունք կը կատարէին, որոնք բացատրուած են Ղեւ. Ա. Էն սկսելով։ Երբ անձ մը մեղանչելու ըլլար, օրէնքին համեմատ իր պատարագը վրանին դուռը՝ քահանային կը բերէր, իր ձեռքերը ան պատարագին գլխոյն վրայ գնելով՝ իր մեղքը անոր վրայ կը խոստովանէր, եւ զանիկա կը մորթէր, եւ քահանան արիւնը սրբարանին մէջ տանելով՝ վարագուրին առջեւը կը սրոկէր։ Այսպէս ան մեղաւորին մեղքը սրբարանը փոխադրուած կ' ըլլար։ Այս գործը ասանկ կը շարունակէր տարւոյ ընթացքին մէջ՝ մեղքերը միշտ Սրբարանին մէջ ժողվուելով՝ մինչեւ եօթներորդ ամսուն տասներորդ օրը որուն մէջ քահանայապետը պաշտամանց տարեկան շրջանը գոցելու համար Սրբութեանց Սրբութեան մէջ մասնաւոր պաշտոն մը կը կատարէր, որ կ' ըստէր Սբարանին նորուելիւ։ Ան օրը երկու նոխազ կը բերէին քահանայապետին՝ խորանին դուռը։ Ան ալ անոնց վրայ վիճակներ կը ձգէր, մէկ վիճակը Տէրոջը համար՝ վայու մէկալ վիճակը աղատ արձակուելու նոխազին (Ազագէլ) համար։ Ղեւ. ԺԶ. 8: Քահանայապետը Տէրոջը համար զատուած նոխազը մորթելով արիւնը Սրբութեանց Սրբութեան մէջ քաւութիւնին վրայ ու քաւութիւնին առջեւը կը սրոկէր՝ սրբարանին համար եւ ժողովուրդին մեղքերուն համար քաւութիւն ընելու։ Այսպէս Սրբարանը կը մաքրէր ժողովուրդին անմաքրութիւններէն ու անոնց բոլոր մեղքերուն յանցանքերէն։ Ղեւ. ԺԶ. 15, 16: Յետոյ դուրս կ' նլլէր, ժողովուրդին բոլոր մեղքերը մէկալ աղատ արձակուելու նոխազին (Ազագէլ) վրայ խոստովանչելով՝ զանոնք անոր գլխոյն վրայ կը դնէր։ Ղեւ. ԺԶ. 21: Այս նոխազը յետոյ յարմար մարդու մը ձեռքով անապատը կը խրկէին։ Աս կերպով Սրբարանը կը մաքրուէր եւ մեղքը ժողովուրդին կը հեռանար։ Սակայն այս ամէնք միայն օրինակ էր։ Ան Սրբարանը պատարագները, քահանաներուն պաշտամունքը, ամէնը օրինակ էին։ Պողոս առաքեալ քահանաներուն վրայով կ' ըստէ թէ «ամոնք երկնային բաներուն նմանութիւնովը ու շուքովը կը ծառայեն»։ Երր. Լ. 4, 5: Ամէնը դէպէ նայէին աւելի մեծ ու կատարեալ քահանայութեան Մելքիսեդեկի կարգին պէս, որ երկինքին մէջ կը կատարուի Քրիստոսի ձեռքսկզ։ Քրիստոս է ճշմարիտ պա-

տարագը եւ ճշմարիտ քահանան : Անիկա նախ իր արիւնը թափելով պատարագը պատրաստեց : Յետոյ իր գործին սկսաւ իրբեւ քահանայ : Ան բաները որ աշխարհային քահանաներ նմանութեամբ կ'ընէին, անիկա ճշմարտութեամբ կ'ընէ : Անոնք ապաշխարողաց մեղքը աշխարհային սրբարանը կը փոխադրէին նմանութեամբ, Քրիստոս զանոնք երկնային Սրբարանը կը փոխադրէ ճշմարտապէս : Մենք Քրիստոսի կուգանք թողութեան համար, եւ թողութիւնը այս կերպով կ'ընդունինք : Անիկա ուրանալ Պօղոս առաքելոյն Երբայեցւոց գրքին մէջ սորվեցուցաները ուրանալ է :

Երկնային Սրբարանը հարկ է որ մաքրուի նոյն պատճառով որ աշխարհայինը կը մաքրուէր : Պօղոս առաքեալ ասիկա որոշ կերպով կը զրուցէ : Երբ. թ. 22, 23: «Ուստի հարկ էր որ երկնաւոր բաներուն օրինակները առնցմով մաքրուին, բայց բուն երկնաւորները ասոնցմէ աւելի աղէկ զոհերով»: Որոնք որ կը հակառակին իբր թէ հարկ չէ որ երկնային բաները մաքրուին, իրենց խնդիրը թող առաքեալին հետ կարգադրեն : Սակայն սա գիտնալու ենք թէ մաքրուիլ նիւթական անմաքրութենէն չէ, հապա եղչէն : Երկնային Սրբարանը Երբ պիտի մաքրուէր . 2300 օրէն ետքը՝ յամի Տեառն 1844ին: Երկնային Սրբարան՝ ըսինք, քանզի ան թուականին՝ ասկէ զատ ուրիշ Սրբարան չկար : Ուստի ան մարդարէութիւնը աս Սրբարանին վրայ կը խօսի :

Երկնային Սրբարանը ի՞նչպէս պիտի մաքրուի: — ձիւա օրինակին պէս՝ Սրբութեանց Սրբութեանը մէջ վերջնական պաշտամունքով մը: Քահանայապետը Սրբութեանց Սրբութիւնը մտնելով քաւութիւնին վրայ արիւն կը մատուցանէ, Սրբարանին պաշտամանց շրջանը կը գոցէ: Օրինակին մէջ՝ այս շրջանը տարին անգամ մը կ'ըլլար: Ճշմարիտին մէջ այս շրջանը ամէնը անգամ մը կ'ըլլար: Ճշմարիտին մէջ այս շրջանը ամէնը անգամ մը կը կատարուի: Օրինակին եւ 2300 օրին մարդարէութենէն սա կը հետեւի, եւ սա հետեւութիւնը անհրաժեշտ է, թէ յամի Տե. 1844ին Քրիստոս Երկնային Սրբարանին երկրորդ խորանը մտաւ իր քահանայութեան վերջնական գործը կատարելու: Օրինակին մէջ տարւոյն մէկ օրը այս գործին համար որոշուած էր. եւ ան օրուան ալ միայն մէկ մասը, պաշտամունքի համար կը գործածէին: Ճշմար-

տին մէջ ժամանակը ամողոյ է, բայց համեմատաբար կարծ ըլլալ պէտք է:

Քանի որ ասիկա Քրիստոսի քահանայութեան վերջնական գործն է, անով՝ չնորհաց ժամանակամիջոցն ալ կը լրանայ, եւ ալ եւս շնորհք չտրուիր: Երբոր այս կէտը հասնի, ա'լ ամենուն վախճանը յաւիտեանս որոշուած կ'ըլլայ: Սակայն այս որոշման գործը Դատաստանի գործ մըն է: Նախ՝ ամենուն վախճանը որոշել, երկրորդ վարձք կամ պատիժ սահմանել, երբորդ գրուած վճիռը գործադրել: Դատաստանին առաջին մասը՝ Քրիստոսի քահանայութեան վերջնական գործն է: Քրիստոս երկրորդ անգամ չպիտի գայ մինչեւ որ այս գործը լրանայ: «Ան որ անիրաւութիւն կ'ընէ՝ ալ անիրաւութիւն թող ընէ, ու ան որ աղասու է՝ ալ աղասու ըլլայ, եւ ան որ սուրբ է՝ ալ սուրբ ըլլայ: Անա ես շուտով կուգամ, և իմ կարգին իմ հետու է՝ ամեն էկան էր հործէին համեմատ հատուցանելու»: Յայտ. իթ, 11, 12: Ուրեմն դատաստանի մէկ մասը Քրիստոս գալէն առաջ կը կատարուի եւ շնորհք կը վերջանայ: Անիկայ յայտնի է ուրիշ պարագաներէն ալ: Քրիստոսի գալու ատենը քննական դատաստան ընելու ժամանակ պիտի չարուի: Բոլոր ննջեցեալ սուրբեր ան ատեն յարութիւն պիտի առնեն եւ բոլոր սուրբեր որ ողջ մնացած են պիտի փորուին յանկարծակի՝ աչք գոյցել բանալու մէջ. իսկ ամբարիշաները դեռ հազար տարի պիտի քննանան: Ա. Կորն. ԺԵ. 51, 52: Ա. Թես. Դ. 15, 16: Յայտ. ի. 4—6: Ասոնք որոշաբար կը ցուցնեն թէ Քրիստոս դեռ չեկած սուրբերուն վիճակը որոշուած պիտի ըլլայ:

Ահա Սրբարանին մաքրուիլը Դատաստանին աս նախապատրաստական կամ քննական գործն է: Աս ժամանակին մէջ Քրիստոսի բուն գործն է մեղքը վերցնել եւ սուրբերը որոշել: Ասիկա կը պարունակէ արձանագրութեան գործերուն քննութիւնը, որոնց մէջ ամէն մարդուն գործերը գրուած են. քանզի դատաստանը ամէն մարդուն գործերուն համեմատ կը տրուի, որոնք գիրքերուն մէջ գրուած են: Յայտ. ի. 12: Երբոր Աստուած Դանիէլին ալ յայտնեց այս տեսարանը մարդարէն տեսաւ թէ «Ատեանը բաղմեցաւ ու գիրքերը բացուե-

ցան։» Դան. Ե. 9, 10: Նաեւ տեսաւ թէ ան ատեն Որդի Մարդոյ ալ Հին Աւուրցին կուգայ թագաւորութիւն առնելու, որով աս աշխարհ պիտի վերագառնայ։ Դան. Ե. 13, 14: Դուկ. Ժթ. 12:

Աս դատաստանին մէջ ան մեղքերը որ խոստովանուած եւ թողուած են՝ կը ջնջուին։ Գործ. Գ. 19, 20: Այս գործը լրանալուն պէս Քրիստոս այս աշխարհ կը դրկուի երկրորդ անգամ։ Բայց եթէ մարդու մը մեղքերը ան ատեն ջնջուելու վիճակի մէջ չեն, անոր առունը կենաց գիրքէն կը ջնջուի։ Յայտ. Գ. 5: Քրիստոս իր ժողովուրդին անունները կը դաւանի իր Հօրը առջեւը. եւ կը ինդրէ որ անմնք իր միջոցովը ընդունուին։

Ըսդերցող, հոս քիչ մը կանգ առ եւ խորհէ։ Մեղքերդ ճանչցած եւ խոստովանած ես։ Ի՞նչ են քու մեղքերդ, ոչ թէ քու գաղափարովդ՝ այլ Աստուծոյ գաղափարովը։ Թերեւս կան բաներ զորս դուն մեղք չես սեպեր, ուական Աստուած կը սեպէ։ Գիտե՞ս արդեօք թէ Աստուած քեզ ի՞նչ չափով պիտի չափէ։ Պողոս եւ Յակոբոս առաքեալներ կ'ըսեն։ թէ՛ Օրէնքով պիտի դատուիս։ Հոռով. Բ. 13, 14, 16: Յակ. Բ. 12. Ո՞րն է աս օրէնքը։ Մի՛տքդ բեր որ Յիսուս հիմայ Սրբութեանց Սրբութեան մէջ ուիտին տապանակին առջեւն է։ Ան տապանակին մէջ տասը պատուիրանաց օրէնքը կայ։ Աս օրէնքով պիտի դատուիս։ Մի՛ հաւատար անոնց որոնք Ս. Դիրքը սիսալ մեկնելով կ'ըսեն, թէ Օրէնք չկայ, Օրէնքի տակ չենք. Օրէնքը խափանուած է. Օրէնքը փոխուած է. եւն. եւն. Մի՛ խափուիր, վեր նայէ երկինքը ու տե՛ս ուխտին տապանակը Աստուծոյ տաճարին մէջ. Յայտ. ԺԱ. 18, 19: Օրէնքը հոն է՝ չփոխուած ու չխափանուած, թէեւ հոս երկրի վրայ մարդոցմէն ոտնակոխ կ'ըլլայ։ Տե՛ս նաեւ չորրորդ պատուիրանը որ կը հրամայէ Շաբաթը սուրբ պահել, Կաթոլիկ եկեղեցին Փոխուեց զանիկա, Շաբաթին տեղ Մէկշաբթին գնելով. Աստուած փոխած չէ ան պատուիրանը։ Ի՞նչ պատճառանք կրնաս բերել Աստուծոյ իր սուրբ Շաբաթը պղծելուդ համար։ Աս ինդիրը լաւ մտածէ մինչ դեռ դուն դատաստանին կանչուած չես, եւ Աստուծոյ խորհուրդը կատարուած չէ։

Ի՞նչ է Աստուծոյ խորհուրդը. — Աւետարանն համայն աղգաց համար։ Եփես. Գ. Յը բաղդատէ Գաղ. Ա. 12: Եփես. Ա. 9: Գ. 9, Հուովմ. ԺԶ. 25, 26, Կող. Ա. 25, 27ին հետ։ Աստուծոյ խորհուրդին կատարուիլը՝ Աւետարանին գործին կատարուիլն է՝ որ պիտի ըլլայ երբ Քրիստոսի քահանայութեան գործը կատարուի։ Ուրեմն Սրբարանին մաքրուիլը, քննական դատաստան, եւ Աստուծոյ խորհուրդին կատարուիլը, ամենը միեւնոյն գործէ։ Յայտ. Ժ. ին փառաւոր հրեշտակը ձեռքը բացուած գրքոյկ մ'ունենալով պատգամ՝ կը բերէ ըսկելով, «Աւ ժամանակ պիտի չըլլայ, հապա ևօթներորդ հրեշտակին ձայնին օրերը՝ երբոր փողը հնչեցնէ. Աստուծոյ իսունաւոր պէտէ կուտանսի, ինչպէս որ իր ծառաներուն՝ մարգարէն ներուն աւետիս տուաւ։» Հմբ. 6, 7: Ան գրքոյկը որ նախ գոցուած ու կնքուած էր մինչեւ վերջին ժամանակը՝ եւ հրեայ բացուած է՝ Դանիէլի մարգարէութեան գիրքն է, Դան. Ժթ. 8, 9, որուն մէջ ամենէն երկար ժամանակը 2300 օր է, որ վերջացան յամի Տն. 1844ին։ Հրեշտակը կ'ըսէ թէ ալ անկէ ետքը ժամանակ այսինքն մարգարէական ժամանակ պիտի չըլլայ։ Եւ իրաւ անանկ է։ Ամողջ մարգարէութեանց մէջ չկայ մէկ ժամանակ մը որ անկի։ ասդին անցնի։ Սակայն գործ մը կայ որ պիտի կատարուի։ Բատ այս հրեշտակին՝ Աստուծոյ խորհուրդը պիտի կատարուի. ըստ Դանիէլի հրեշտակին։ Սրբարանը պիտի մաքրուի, որ միեւնոյն գործն է։ Դարձեաւ, Աստուծոյ խորհուրդը պիտի կատարուի եօթներորդ հրեշտակին ձայնին օրերը՝ երբոր փողը հնչեցնէ։ Փողերէն վեցը արդէն հնչուած էին եւ հրեշտակը եօթներորդին սահմանը կը կենար։ Ու երբոր եօթներորդ փողը հնչուեցաւ, Ցովհաննէն երկինքէն այնիր լսեց, որ կ'ըսէին։ «Մէռելցերուն ժամանակը եկաւ որ դաբունքն . . . Ու երկինքի մէջ Աստուծոյ տաճարը բացուեցաւ եւ անոր ուխտին տապանակը իր տաճարին մէջ երեւեցաւ։» Յայտ. ԺԱ. 18, 19: Ասիկայ մեր առջեւը կը բանաց երկնակին Սրբարանին երկրորդ խորանին գործը որ է Սրբարանին մաքրուիլը կամ քննական դատաստան, որով Աստուծոյ խորհուրդը կը կատարուի։

Օրինակին մէջ քահանայապետը մեղքերը Սրբարանէն հանելով արձակուելու նոխազին գլխոյն վրայ կը դնէր,

ու զանիկայ անապատը կը զբկէր որ կորսուի : Նոյն-
պէս Քրիստոս՝ ձշմարիտ Քահանայապետն ալ՝ Երկնային
Սրբարանը մեր մեղքերէն սրբելով, զանոնք Սատանային՝
մեղքի առաջնորդին և հրապուրիչին վրայ կը դնէ ու
զանիկա անբնակ Երկիր մը կը զրկէ : Յայտ . ի . 1—3 :
Եյս Երկիրը եօթը վերջին հարուածներէն եւ Տէրոջը գա-
լուն փառքէն անդունդ մը եղած ըլլալով, Սատանան
հոն հաղար տարի բանտարկուած կը մնայ : Եւ հաղար
տարին լրանալուն՝ ամբարիշաներուն յարութիւն առնե-
լովը ինքն ալ կ'արձակուի, ու զանոնք մոլորցնելով
սուրբերուն բանակին դէմ կը ժողվէ : Բայց Երկինքէն
Աստուծմէ կրակ կ'իջնէ, որով այս Երկրին տարերք-
ուերը բռնկած կը հալին : Անա եկաւ գործնական Դա-
տաստանին ու ամբարիշտ մարդոց կորստեան օրը : Բ
Պետ . Գ . 7—12 : Յայտ . ի . 7—10 : Սատանան իր հը-
րեշտակները, եւ բոլոր ամբարիշաները, նաև մահը ու
գժոխքը կրակի ու ծծումքի լիճին մէջ յաւիտեանո կը
կորսուին : Յետոյ նոր Երկինք ու Երկիր մը կ'ստեղծուի :
Բ Պետ . Գ . 13 : Սուրբեր կը մանեն իրենց յաւիտենա-
կան ժառանգութիւնը : Եւ սուրբ եւ զուարթ տիեզերքէ
մը ընդհանուր Ցորելեան երգ մը կ'ելլէ Աստուծոյ ու
Գառնուկին : Յայտ . Ե . 12 :

Միրելի ընթերցող, կուզե՞ս դուն ալ անոր մասնա-
կից ըլլալ : Տէրը փնտուէ հէմ : Անիկայ կը հրաւիրէ .
«Դարձէ՛ք, դարձէ՛ք ձեր չար ճամբաներէն, վամնզի
ինչո՞ւ մեռնիք» : Դարձի՛ր հէմ որ սրբարանը բաց եւ
Փրկիչը հոն է : Քանզի ալ ասկէ քիչ մը ատենէն շնոր-
հաց դուռը պիտի գոցուի, որ ալ եւս չբացուիր : «ԱՀԱ
ՀԻՄԱ Է ԸՆԴՈՒՆԵԼԻ ԺԱՄԱՆԱԿԻ, ԱՀԱ ՀԻՄԱ Է
ՀՈԳԻՈՅԴԻ ՓՐԿՈՒԹԵԱՆ ՕԲԸ :»



ՑԱՆԿ ԳՐՈՑ

Դիկո. Փրյ.

Մարզարեական խօսքը Եւ անոր ֆնութիւնը	30
Սասուածառնչը ինչ կը սորվեցնէ ի մասին	
հանգստեան աւուր	10
Եսքի օրերը Տերունական Շաբարը վերստին	
պիտի յայտնուի	10
Գրաբը Քիւրիւպի Մուզասսէսէ	1
Բազարն ազիմ կիւնիւ	1
Բազար կիւնիւ քարիլ երմէք վէ օնա տաիր	
քէսզիզար	20
Եկհօվանքն տահար կիւնիւնէ տաիր ազիմ	
պիր խսլահար	10
Ինսան եօլիւմսի՞ւզ մի ժիր	10
Քրիստոսը քերար կելիշի	10
Ճանքն եօլիւմսիւզիւլիւ քալիսի Քիրապը	
Մուզասսէսէ միւրապը՞զ մը ՏՊՐ	1

Վերոյիշեալ զիրեւրը զնել ուզողնեւրը դիմելու են

1511



1469